

UiTM, UMP rebut takhta juara hari ini

U.M. (Dm Negeri) / smn 4/3/12 ms 2/

KUALA LUMPUR 3 Mac - Pasukan debat Universiti Teknologi Mara (UiTM) A dan Universiti Malaysia Pahang (UMP) B akan berentap di peringkat akhir Pertandingan Debat Keamanan Ala Presiden Antara Institusi Pengajian Tinggi (IPT) Piala Menteri Pengajian Tinggi esok.

Pada peringkat separuh akhir hari ini, UiTM A berjaya menewaskan Universiti Putra Malaysia (UPM) B manakala UMP B pula menumpaskan Universiti Teknologi Petronas (UTP) A.

Pendebat UiTM A, **Mohd. Norsadiq Mohd. Yusof**, 22, berkata, sepanjang menyertai beberapa pertandingan debat, ini merupakan pertama kali dirinya berjaya memasuki ke peringkat akhir.

"Menerusi beberapa pertandingan debat ala Parlimen sebelum ini, saya seringkali terkandas di peringkat suku akhir, namun penyertaan kali pertama di pertandingan debat ala presiden jelas memberikan keceriaan kepada saya apabila berjaya melangkah ke akhir.

"Lawan saya di peringkat akhir nanti bukan calang-calang pendebat dan diharapkan masa yang ada ini dapat saya gunakan untuk memperbaiki segala kelemahan," katanya ketika ditemui di sini.

Hari ini, peserta pertandingan anjuran Kementerian Pengajian Tinggi, Universiti Pertahanan Na-



sional Malaysia (UPNM) dan Majlis Debat Universiti-universiti Malaysia (Madum) melalui peringkat suku akhir dan separuh akhir.

Pertandingan akhir debat tersebut akan diadakan di Dewan Tun Templem UPNM, Kem Perdana Sungai Besi di sini malam esok, manakala *Utusan Malaysia* adalah akhbar rasmi acara ini.

Pendebat UMP, **Qusyairi Hashim**, 22, berkata, setelah memerhatikan kebolehan Mohd. Norsadiq, dia dapat menjangkakan pertandingan akhir esok pastinya sengit dan menarik.

"Sebelum ini saya tidak pernah bertemu Mohd. Norsadiq di mana-mana pertandingan debat, namun pengalaman memasuki empat pertandingan akhir debat ala Parlimen sebelum ini diharap dapat membantu dan memberikan sedikit kelebihan kepada saya berbanding lawan.

"Namun, saya tidak akan memandang rendah keupayaan Mohd. Norsadiq. Pada pertandingan akhir



MOHD. Norsadiq Mohd. Yusof (dua dari kiri) dan **Adzlan Qushaimi Jamaluddin** (kiri) yang mewakili UiTM bersama pencabar dari UMP, **Qusyairi Hashim** (dua dari kanan) dan **Hafizzudin Mohd. Noor** akan bersaing merebut juara dalam Pertandingan Debat Keamanan Ala Presiden di Universiti Pertahanan Nasional Malaysia, Kuala Lumpur, malam ini.

esok saya akan terus memberikan tumpuan dalam pemahaman sesuatu usul, fakta serta aspek-aspek keamanan serantau," katanya.

Sementara itu, ketua hakim, Abdul Manan Ismail berkata, setelah

melalui beberapa pusingan sebelum ini, sememangnya dapat diperhatikan kedua-dua pasukan yang berjaya ke peringkat akhir kali ini merupakan yang terbaik.

"Saya menjangkakan pertandi-

ngan akhir nanti akan berlangsung sengit. Insya-Allah bakal menghasilkan hujahan yang bernas serta membawa kepada satu wacana debat yang memberangsangkan," katanya.